

職方典第五百五十六卷

平涼府部紀事

前漢書武帝本紀元封四年冬十月行幸雍祠五時通回中道遂北出幸雍幸雍祠五時通回中道
注應劭曰回中在安定高平有險阻蕭關在其北通治至長安也師古關在關在其北通治至長安
說是也而云治道至長安非也蓋自回中通道以出蕭關回中宮在汧中通中通道以出蕭關回中
今所通道也

通志晉武帝太康九年四月涇州隕霜傷麥

胡崧傳晉愍帝建興四年漢劉曜逼興安安定太守焦嵩新平太守竺恢引兵來救皆畏漢兵強不
敢進相國保遣胡崧入援擊曜於靈臺破之

涼州記呂纂咸寧三年有人發張駿塚得玉簫玉尊玉笛瑠璚鍾磬

同心之梨 呂光麟嘉五年疎勒王獻大沈布善舞馬 呂光時州人陳冲得玉璽廣三寸長

四寸直看無文字向日視之字在腹裏言光當王

靈臺志魏主燕南北朝至平涼使將軍古弼等將兵趨安定夏主勃自安定北救平涼與弼遇弼僞退以誘之夏主追之魏主使高車馳擊之夏兵大敗走鵠觚原魏兵圍之

宇文泰傳泰代武川人孝昌中平万俟醜奴上首功以直閣將軍行原州事時關隴寇亂百姓凋殘撫以恩信民皆悅服咸喜曰早值宇文使君吾等豈從逆亂

通志唐高宗儀鳳四年三月涇州獻二孩連心異體初鵠觚縣衛軍士胡萬年妻吳氏生男女一雙胷心相連而異體析之皆死又產背男亦然至是以獻

元宗天寶十四年肅宗幸平涼黃龍見

唐書郝玼傳郝玼不記其鄉里貞元中爲臨涇鎮將嘗從數百騎出野還說節度使馬璘曰臨涇扼洛口其川饒衍利畜牧其西走戎道曠數百里皆流沙無水草願城之爲休養便地玼出或謂璘曰玼言信然雖然公所以蒙恩大幸以邊防未固也上心日夜念此故厚於公今若用玼言則邊已安尙何事爲璘遂不聽及段佑代節度玼又說曰天寶時天下以兵爲防獨西戎耳而塞至京師且萬里自祿山反西陲盡亡寶內爲邊郡每虜入寇驅并閭父子與牛馬焚積聚殘室廬邊人耗盡今若

築臨涇以折虜勢便甚佑唯許請於朝卒詔城臨涇爲行原州以玘爲刺史戍之自是虜不敢過臨涇

楊炎傳炎與嶺表以單議悟天子中外翕然屬望爲賢相居數月崔祐甫疾不能事喬琳免炎獨當國遂多變祐甫之政減薄護元陵功優人始不悅又請開豐州陵陽渠發畿縣民役作閭里驢然渠卒不就素德元載思有以報之於是復議城原州節度使段秀實謂安邊卻敵宜以緩計方農事不可遽興功炎怒追秀實爲司農卿以邠寧李懷光督作遣朱泚崔寧統兵各萬人翼之詔書下涇軍恚曰吾軍爲國西屏十餘年始勻邠土農桑地著之安徙此榛莽中手披足踐旣亡城壘則又投之塞外且安寘此乎又懷光持法嚴舉軍畏之裨將劉文喜因人之怨乃上疏求秀實朱泚爲使詔以泚代懷光文喜不奉詔閉城拒守質其子吐蕃以求援時方愴旱人情騷擾羣臣皆請赦文喜帝不聽詔減服御給軍且趣師涇州士當受春服者皆卽賜命泚懷光率軍攻之壘環其州別將劉海濱斬文喜獻其首涇州平而原卒不能城

劉昌傳昌授京西行營節度使歲餘改四鎮北廷行營兼涇原節度七年城平涼開地二百里扼彈

筆峽又西築保定捍青石嶺凡七城二堡旬日就以功檢校尙書右僕射累封南川郡王十四年歸化堡軍亂逐大將張國誠詔昌經略昌至堡誅數百人復使國誠統之昌在邊凡十五年身率下墾田三年而軍有美食兵械銳新邊障安寧及感疾歸赴京師未行卒年六十五贈司空初城平涼當刼盟後將士骸骨不藏昌始命瘞之夕夢若詣昌厚謝者昌具以聞德宗下詔哀痛出衣數百稱官爲資具斂以棺槨分建二塚大將曰旌義塚士曰懷忠塚葬淺水原詔翰林學士爲銘識其所昌盛陳兵衛具牢醴率諸將素服臨之邊兵莫不感泣

李元諒傳諒本姓安氏冒姓駱朱泚之亂與李晟恢復京師賜姓李尙公主封武康郡王爲隴右節度使初築崇信城以禦吐蕃且戰且守因地利以宜民德威並著遠邇懷服土人立廟祀之今載祀典

宋史李繼和傳初李繼隆之請城鎮戎軍也朝廷不果於行繼和面奏曰平涼舊地山川險阻旁扼夷落爲中華襟帶城之爲便太宗乃許焉後復不守咸平中繼和又以爲言乃命版築以繼和知其軍兼原渭儀都巡檢使城畢加領平州刺史建議募貧民及弓箭手墾田積粟又屢請益兵朝議未

許上曰苟緩急部署不爲濟師則或至失援矣命繼和兼涇原儀渭鈐轄時繼遷未弭命張齊賢梁
顥經略因訪繼和邊事繼和上言鎮戎爲涇軍原儀渭北面捍蔽又爲環慶原渭儀秦熟戶所依正
當回鶻西涼六谷吐蕃咩連賤遇馬臧梁家諸族之路自置軍以來克張邊備方於至道中所茸今
已數倍誠能常用步騎五千守之涇原渭州苟有緩急會於此軍并力戰守則賊必不敢過此軍而
緣邊民戶不廢耕織熟戶老幼有所歸宿此軍苟廢則過此新城止皆廢壘有數路來寇若自隴山
下南去則由三百堡入儀州制勝關自瓦亭路南去則由彈箏峽入渭州安國鎮自青石嶺東南去
則由小盧大盧潘谷入潘原縣若至潘原而西則入渭州東則入涇州若自東石嶺東公主泉南去
則由東山砦故彭陽城西並入原州其餘細路不可盡數如以五千步騎令四州各爲備禦不相會
合則兵勢分而力不足禦矣故置此城以扼要路卽令自靈環慶鄯延石隰麟府等州以外河曲之
地皆屬於賊若更攻陷靈州西取回鶻則吐蕃震懼皆爲吞噬西北邊民將受驅劫若以可惜之地
甘受賊攻便思委棄以爲良策是則有盡之地不能供無已之求也臣慮議者以調發芻糧擾民爲
言則此軍所費上出四川地里非遙輸送甚易又劉琮方興屯田屯田若成積中有備則四州稅物

亦不須得況今繼遷強盛有踰曩日從靈州至原渭儀州界次更取磬子山以西接環州山內及平夏次并黃河以東以南隴山內外接儀州界及靈州以北河外蕃部約數十萬帳賊來足以鬪敵賊遷未盛不敢深入今則靈州北河外鎮戎軍環州並北徹靈武平夏及山外黃河以東族帳悉爲繼遷所吞縱有一二十族殘破奔迸事力十無二三自官軍瀚海失利賊愈猖狂羣蕃震懼絕無鬪志兼以咸平二年棄鎮戎後繼遷徑來侵掠軍界蕃族南至渭州安國鎮北一二十里西至南市界三百餘里便於蕭關屯聚萬子米連西鼠等三千以脅原渭靈環熟戶常時族帳謀歸賊者甚多賴聖謨深遠不惑羣議復置此軍一年以來蕃部咸以安集邊民無復愁苦以此較之則存廢之說相失萬倍矣又靈州遠絕居常非有尺布斗粟以供王府今關西老幼疲苦轉餉所以不可棄者誠恐滋大賊勢使繼遷西取秦成之羣蕃北掠回鶻之健馬長驅南牧何以枝梧昨朝廷訪問臣送芻糧道路臣欲自蕭關至鎮戎城砦西就胡盧河川運送但恐靈州食盡或至不守清遠固亦難保青岡白馬曷足禦捍則環州便爲極邊若賊從蕭關武延石門路入鎮戎縱有五七千兵亦恐不敵卽回鶻西涼路亦斷絕伏見咸平三年詔書緣邊不得出兵生事蕃夷蓋謂賊如猛獸不悌其心必且不動

臣愚慮此賊他日愈熾不若聽驍將銳旅屢入其境彼或聚兵自固則勿與鬪妖黨縱散則令掩擊如此則王師逸而賊兵勞賊心內離然後大舉及靈州孤壘戍守最苦望比他州尤加存恤且守邊之臣內憂家屬之窘匱外憂奸邪之憎毀憂家則思爲不廉憂身則思爲退迹思不廉則官局不治思退迹則庶事無心欲其奮不顧身令出惟行不可得已良由賞未厚恩未深也賞厚則人無內顧之憂恩深則士有效死之志古之帝王皆懸爵賞以拔英俊卒能成大功大凡君子求名小人徇利臣爲兒童時嘗聞齊州防禦使李漢超守關南齊州屬州城錢七八萬貫悉以給與非次賞賚動及千萬漢超猶私販榷場規免商算當時有以此事達於太祖者卽詔漢超私物所在悉免關征故漢超居則營生戰則誓死貲產厚則心有所繫必死戰則動有成績故畢太祖之世一方爲之安靜今如漢超之材固亦不少苟能用皇祖之遺法選擇英傑使守靈武高官厚賞不吝先與往日留半俸給其家半俸資其用然後可以責廉潔之節保必勝之功也又戎事內制或失權宜漢時渤海盜起龔遂爲太守尙聽便宜從事且渤海漢之內地盜賊國之饑民況靈武絕塞西鄙強戎又非渤海之比苟許其專制則無失事機縱有營私冒利民政不舉亦乞不問用將之術異於他官貪勇智愚無

不皆錄但使法寬而人有所慕則久居者安心展體竭材盡慮何患靈州之不可守哉又朝廷比禁青鹽甚爲允愜或聞議者欲開其禁且鹽之不入中土困賊之良策也今若謂糧食自蕃界來雖鹽禁不能困賊此鬻鹽行賄者之妄談也蕃粟不入賊境而入於邊廩其利甚明況漢地不食青鹽熟戶亦不入蕃界博易所禁者非徒糧食也至於兵甲皮韃之物其名益多以朝廷雄富猶言摘山煮海一年商利不入則或闕軍須況蕃戎所賴止在青鹽禁之則彼自困矣望固守前詔爲便五年繼和領兵殺衛埋族於天麻川自是壘山外諸族皆恐懼內附願於要害處置帳砦柵以爲戍守繼和因請移涇原部署於鎮戍以壯軍勢又請開道環延爲應援眞宗以精心戎事甚嘉之

王素傳素爲龍圖閣直學士初原州蔣偕建議築大蟲巉堡宣撫使聽之役未具敵伺間要擊不得成偕懼來歸死素曰若罪偕乃是墮敵計責偕使畢力自效總管狄青曰偕往益敗不可遣素曰偕敗則總管行總管敗素卽行矣青不敢復言偕卒城而還

李繼隆傳先是受詔送軍糧赴靈州必由旱海路自冬至春而芻粟始集繼隆請由古原州蔚茹河路便衆議不一繼隆固執論其事太宗許爲遂帥師以進壁古原州令如京使胡守澄城之是爲鎮

戎軍

王彥昇傳昇本蜀人徙洛陽善擊劍號王劍兒從太祖爲佐命乾德初遷申州團練使開寶二年改防州防禦使是冬移原州西人有犯漢法者彥昇不加刑召僚屬飲宴引所犯以手摔斷其耳大嚼扈酒下之其人流血被體股慄不敢動前後啗者數百人西人畏之不敢犯塞七年以病代還胡鑑傳鑑儀州知州有德政州有制勝關號險要李繼遷揚言將乘虛襲取入寇有詔徙軍實於內地鑑曰此詐也卒不徙已而賊不能至

曹瑋傳瑋真定靈壽人武惠王彬之子沉勇有謀喜讀書通春秋三傳於左氏尤深李繼遷叛太宗問彬誰可將者彬曰臣少子可任卽召同知渭州馭軍嚴明周知虜動靜旣改閤門通事舍人遷西上閤門副使徙知鎮戎軍繼遷虐用其國人瑋知下多怨卽移書諸部諭以朝廷恩信撫養無所問由是康奴等族請內附繼遷略西蕃還瑋邀擊於石門川俘獲甚衆以鎮戎據平地便於騎戰非中國利請自隴山以東循古長城塹爲限又以弓箭手皆土人習障塞踐隧曉羌語耐苦寒官未嘗與兵械資糧而每戰輒使先拒賊卽無以責死力遂給境內閒田春秋耕斂州爲出兵護作而蠲其租

繼遷死瑋擒德明送闕下

劉滬傳渭州瓦亭寨監押擊破黨留等族時任福敗邊城晝閉民畜多被掠滬獨開門納之邊人號曰劉開門

薛奎傳至道咸平中任儀州推官嘗部民轉糧至鹽州會久雨粟麥湴腐奎白轉運縱民還州使償所失民便之佐郡守廣平宋某多善政奎後官叅知政事至州留題詩二章一章述舊跡一章和韓司門刻石立佛舍嘉祐中權知儀州刺史曹修移刻新石立明倫堂東牖下

种師道傳少從張載學以蔭補三班奉職累官涇原都鈐轄知懷德軍及西安州夏人侵定邊築佛口城率師禦之道渴師道命工鑿山之西麓果得水師遂濟破之擢龍神衛四廂都指揮使洛州防禦使知渭州督諸道兵城席葦方賦工夏兵至壁葫蘆河師道陳河湊挑戰別遣偏將曲充問出橫嶺僞稱援兵而使楊可世潛軍其後姚平仲以精甲夾擊大敗之斬五十級獲駝馬牛羊萬計卒城而還

陳興傳興澶州衛南人咸平三年徙涇原儀渭鎮戎軍部署上言鎮戎去瓦亭砦七十餘里有二

堡請留兵三百人戍之俄與曹瑋秦翰領兵抵鎮戎軍西北武延鹹泊川掩擊蕃寇斬二百餘級生擒二百餘人奪鎧甲牛羊三萬計詔書嘉獎賜金帶錦袍器幣

游師雄傳雄字景叔京兆武功人學於張載進士及第創州一城砦九薦拔寒微爲偏裨如夏降人折可適李忠傑朱智用咸盡力夏人遂衰屢請和西方漸寢兵革功爲最爲儀州司戶叅軍佐郡有善政廟學居郡城西北隅師雄曰西北天地嚴凝之氣可以右武不可以興文是不可不遷郡侯曰諾遂遷於東南

劉綜傳咸平四年爲陝西轉運使請於古原州建鎮戎軍置屯田五百頃役軍二百牛八百耕種之於軍城前後北及木峽口各置堡砦分居無寇則耕寇來則戰擇使臣充四砦監押每砦五百人充屯戍詔從之

任福傳福字佑之其先河東人後徙開封歷侍衛馬軍都虞候康定二年春宋欲伐夏命福涇原計事時與安撫副使韓琦會高平李元昊謀寇渭州琦亟趣鎮戎軍集兵兼募敢勇萬八千人以福爲將耿傳叅軍事涇原路駐泊都監桑懌爲先鋒鈴轄朱觀都監武英涇州都監王珪各率師從福琦

令福等併兵自懷遠城趣得勝砦至羊牧隆城出敵後城砦相間纔四十里道近糧餉便度勢未可戰則據險設伏待夏情歸邀擊之福獨以輕騎數千趨懷遠捺龍川會鎮戎軍西路巡檢常鼎劉肅擊夏師於張家堡南斬首數百夏人棄馬羊駝伴北懼馳騎趣利福踵後輕夏兵薄暮遂與懌合軍好水川觀英軍籠絡川相違五里約翌日會川口然營中已乏食追奔至隴干城夏軍出誘兵川口而大兵數萬伏六盤下距羊牧隆城五里道置大銀泥合覆地中有動躍聲諸將莫測福獨發之乃皆懸哨鴿百餘驚飛聲遍山谷夏伏兵聞哨盡起諸將知爲夏所誘懌前死戰夏陣福未陣縱鐵騎突之自辰至午福師欲傳山山上伏發馳蹂宋師川口騎數千斷宋師後懌肅力戰死身被十餘矢小校劉進勸福奔福曰吾大將兵敗以死報國爾揮四刃鐵簡疾鬪鎗中左頰絕喉與子懷亮俱歿夏師併攻觀英戰急王珪自城以兵四千五百渭州都監趙津以華亭騎二千來援觀英軍西攻夏師夏陣堅終不得合英創甚不能軍夏師急攻宋師大潰英津珪傳與內殿崇班訾贊西頭供奉官王慶侍禁李簡李禹亨劉鈞皆戰歿亡將數十士萬餘朱觀以餘兵保民垣四嚮縱射值暮夏人引去然尙未知福等敗死

通志徽宗政和七年涇原地震旬日不止壞城郭廬舍吏民壓死者甚衆

宣和六年陝西地再大震涇原等州人流離甚衆

崇信縣志郭擇善元至正十八年以郎中守崇信劉福通兵擾平涇善以保平涼尋擢遷樞密事李思齊擅殺之併其兵 元王瓊華亭縣主簿有善政初至縣見廟學廢久慨然嘆曰華亭祀事假

宮僭師是誰之咎瓊雖佐貳當仁不讓專之可也於是割俸帑興復大備置贍學田以供祀

府志明洪武二年夏四月丁卯大將軍徐達帥師次隴州固關元平涼府華亭縣白同簽獻馬十四達遣叅隨金國寶撫諭華亭乙酉師自鞏昌還至靜寧州元知院杜伯卜花遁遣潘指揮追北弗及獲其衆遂下隆德越六盤山至開城萬戶八丹以韃靼降遣平章俞通海進攻元豫王於西安州次海刺都右丞薛顯以精兵五千先襲豫王王馳遁盡得其人衆車畜達以豫王之衆處開城以西安州餘衆千餘徙北平五月甲午顯至鳴沙獲元將王保保之將毛祥知縣尹鐸李遵正郭英左丞董信任弘等并馬二千餘匹以歸達軍至紅城還丁酉出蕭關遂下平涼父老爭獻羊酒迎謁分遣指揮儲柿徇隆德靜寧會指揮吳汧陳壽之師平諸屯結未附者叅政麻毅段荅刺之師徇華亭咸歸

附辛丑御史大夫湯和下涇州次日達至涇州六月戊辰以鳳翔守禦指揮余思明守平涼甲戌以陳壽守原州黃旺守涇州達北討慶陽秋七月甲午遣降將李茂騎兵千人復捕隆德以西之未附者戊申獲杜伯卜花及將張演達達大都虎以歸辛亥王保保遣將韓札兒陷原州陳壽死之又陷涇州丁千戶退守靈臺縣辛酉右副將軍馮宗異破走韓札兒復涇原八月乙丑達以故元歸附官溫漢臣署原州同知原州判官劉伯溫逃自寧夏來歸復爲判官與指揮劉廣鐵甲馮共守原州薛顯與叅政傅友德備靈臺達已定慶陽己丑歸至原州三將軍俱來會聞元將賀宗哲自六盤山北遁遣都督顧時薛顯傅友德以萬騎追之九月壬辰達復至平涼會徵入朝行賞遂以指揮孫某余思明朱祐守平涼李茂麾下騎叛附賀宗哲茂脫歸乃以顧時將騎兵略靜寧州斷事嚴某知開城州州判馬思忠同知州事甲午復遣馮宗異率步騎萬七千由靜寧伐賀宗哲遁歸王保保乃還乙未元宣差老關堅篤以莊浪州來歸達卽以爲知州十一月壬辰朔達入朝甲辰馮宗異等俱發平涼入朝王保保以師還乘勢縱遊騎掠平鞏北鄙人畜大爲邊患三年正月癸巳復命達帥師出西安擣定西以伐之三月戊午師至定西時日中頻有黑子太史劉基奏曰王保保雖可取亦未

可輕也使諭大將達等防水患置營高地內寅師出鞏昌府安定縣沈兒峪壓王保保營而陣日數戰保保潛以千餘兵自間道攻壁東南左丞胡濟恆擾失措不能軍達親帥兵鏖戰乃退斬守壁趙指揮及將校數人徇於師明日誓衆復戰大敗保保斬獲八萬六千餘人馬畜數萬然保保先驅掠人衆及師所誅戮皆過當河南遂空而平涼復爲內地 四年四月故元降將知院白文顯聚衆作亂于華亭之西山平涼衛指揮秦虎討平之

正統十四年北虜阿渠寇平涼之北鄙

景泰元年始築固原巡檢司城以都指揮榮福帥洮岷臨鞏四帥守之 三年移平涼衛右所爲

固原千戶所

靜寧州志成化五年知州靳善令州民屯軍復修古堡五十一

弘治十四年知州閻重修五十七總爲一百八堡其高山峻嶺據溝阻澗各占形勝

府志弘治十四年李來據河套寇陝西命戶部尙書秦紘總督陝西三邊延綏寧夏甘肅開闢固原衛請以開城遺民於衛城設固原州公通商賈疏鹽利建倉庫墩堡鳩集流散遂爲重鎮 十七

年虜寇孔壩溝巡撫都御史周李麟遣都指揮楊弘率西安平涼軍陽虎力率固原軍禦之虎力以八百人夜遁弘及餘衆死焉

正德四年工部尙書才寬總制陝西三邊軍敗虜于寧夏之興武營中流矢卒 八年囉哩賊李

仲寶等作亂掠境平涼衛指揮杜鎮率官軍討平之 十年四月北虜掠固原之西驛子川響石

溝遊騎至於彭陽鎮原五月虜大掠固原隆德靜寧七月二十九日害西安府同知某於固原之南郊官軍弗出烽報俱絕八月初二日早進掠平涼營於南山涇川散掠所屬州縣東至涇邠之亭口南至隴之汧陽承平久民不識虜不知避驅掠人畜數十萬六日全營北去蹂踐千餘里村落爲虛吳璉傳璉山西平定州人平涼府同知正德十年行縣至華亭八月二日賊大掠華亭民久不知兵懼雉堞不堪咸洵洵謀夜遁西山同知令曰敢私下城者斬衆乃止堅壁晝夜徒行巡視或有潛出者果陷賊民乃服數日賊解去城居無事民咸頌之曰吳公生我也

府志嘉靖六年夏六月慶陽衛指揮劉文以固原守備爲叅將士有小過皆不問唯違軍期失候望者杖百其養馬治兵皆有程糧賞無所私與總督謀曰官馬散牧固原之東西海是餌虜也虜必乘